

欽定剿平三省邪匪方略

欽定剿平三省邪匪方略正編卷三十七

丁巳年

五月初一日

庚子

上命軍機大臣傳諭惠齡恒瑞興肇慶成日頃將恒瑞等節次奏摺閱看如先稱四月十六日行抵十里舖有一股賊匪自南而來直奔縣城經恒瑞擊敗東竄其續奏摺內又稱十六日在十里舖剿辦南來之賊復向西南奔竄又興肇前奏在潞峪地

方有賊匪數百人向北而來經官兵追殺賊匪紛  
紛南竄而與恒瑞聯銜續奏之摺又稱興肇在澇  
峪截殺賊匪旋即爬越大山向西而逸究屬南乎  
抑爲西乎前後互異徒亂人意即云追剿時有挪  
動但州縣地界及東西方向斷不能移易且慶成  
等前奏賊匪欲偷渡漢江經慶成等帶兵截殺賊  
匪連夜竄赴陝境當經差弁約會恒瑞兩面夾擊

如果所言屬實慶成自東南而西北恒瑞自西北而東南正可將賊匪兩面會剿何以又任賊匪直向西竄而昨日慶成摺內何以又並未會合可見差并知會夾擊之語竟屬紙上空談恒瑞慶成並未緊追賊匪此皆係伊等自行陳奏俱有原摺可據一經查對先後互岐又豈可憑信耶軍營打仗殺賊全憑伊等奏摺據實聲敘方可逐一指示今

不但方向前後不符卽情節亦支離互異令朕於  
數千里外時深懸慮看來恒瑞慶成等俱難倚仗  
惠齡此時自己早抵山陽務須加倍愧奮督率官  
兵悉心調度察探賊蹤速行繞截將賊首等驅歸  
一處以期及早殲擒毋再遲緩至鎮安一帶地面  
空虛前雖據秦承恩奏已調延綏兵一千名前赴  
該處並令副將田有成在彼防堵但所帶兵力亦

然放鎗抵拒木石交下我兵攀援向前擊殺斃  
賊多名將賊人頭卡焚燒又乘勢進攻將二卡  
三卡四卡均縱火燒燬施放連環鳥鎗匪徒死  
傷及燒斃者甚衆我兵鼓勇爭先認真出力斬  
文銓頭帶石傷頗重多福石傷一齒孫效前頭  
受石傷腿帶鎗傷又千總張錦榮奮勇殺賊中  
鎗陣亡維時霧雨交作隨令官兵一面捲撤並

卽就近知會成德等均各收兵臣等此次雖未

能卽行深入而兩路擊殺賊匪合計三四百人

恐賊人情急乘此霧雨復思他竄遂分飭各卡

將領加意防禦果於二十日三更後據諸神保

報稱聞板梁青石巖溝底有人馬之聲自係賊

匪逃竄已帶兵抄路追截臣額勒登保查青石

巖以上卽爲高嶺頭相距二十餘里該處尙有

營卡其高嶺頭以外則近建始之官店口等處  
不可不先行設備當飭總兵張廷彥帶兵馳至  
官店口一路堵剿臣恐諸神保兵力尙單卽帶  
同巴圖魯侍衛等策馬馳赴並派令弁兵等隨  
後趕去於將曙時諸神保已將賊匪攔截在高  
嶺頭卡邊打仗臣隨督令官兵等奮力擊殺殲  
賊衆多賊匪紛逃綸布春諸神保汪啟等卽帶



兵追趕正在截殺之際適副將樊雄楚亦從巒  
路口帶兵趕至兩面迎擊賊匪約有二千餘人  
亡命奔逃下溝沿緣仍上芭葉山溝下俱係崖  
壁誠恐賊有埋伏接應不便徑追查三等待衛  
阿達首先殺賊猝被戕害又副將汪啟右手指  
被鎗傷骨千總王得勝腿受矛傷手帶刀傷生  
擒賊匪余有光等十一名遂加訊問據供林之

華覃加耀等節被官兵圍剿實在畏懼並恐久  
住糧食短少先令二千餘人從黃連坡下溝潛  
走若能衝上高嶺頭脫逃林之華覃加耀卽同  
衆人攜帶婦女接續竄出不料被官兵圍住等  
語當俱斬首梟示該匪等逞其狡猾又思乘間  
潛逃而其窮蹙情形亦可概見臣等一俟天色  
稍霽卽當督率官兵竭力攻剿設法擒渠

同日秦承恩奏言臣自小河口起程後途次接

據署孝義川同知葉文麟稟報四月二十二日  
有楚匪四五千人竄至廳屬採玉窰經派往堵  
禦之山西平陽營叅將邢承諾率領兵勇奮力  
迎擊頭帶矛傷因兵少賊多不能抵禦賊匪現  
已竄入採玉窰滋擾等語查採玉窰向西翻過  
山梁卽係孝義川進省要路又西北有小路三

條直通藍田湯峪口等處距省各二百餘里關

係甚重必須先行截剿臣隨飛調督臣派撥來

陝之寧夏涼州並莊浪土司各兵丁星往孝義

川湯峪口一帶擇險防堵以杜其北竄省城之

路臣與總兵富爾賽帶領官兵探明楚匪現至

何處卽馳往迎頭截剿一面知會惠齡慶成等

取路追剿兩面夾攻至商州地方臣前赴西牛

欽定四庫全書  
平定回疆方略卷三十一  
八

稽時業已酌撥弁兵嚴防現在第三股楚匪竄  
赴桐峪一帶者經恒瑞等帶兵向西截剿去州  
漸遠亦可無虞折回其雒南縣石板溝賊匪經

臣差弁探明爲數無多不難剿辦已派撥弁兵

前往會同地方官趁其初起之時上緊撲滅均

奏入

上命軍機大臣傳諭額勒登保福寧曰此次額勒登

保福寧分帶將弁官兵不避霧雨由高嶺頭一帶  
進剿連奪賊匪四卡賊人情急圖竄復經額勒登  
保等先行派員前往擇險攔截並親往夾擊斃賊  
多名餘匪仍回芭葉山藏匿殊爲出力可嘉著賞  
給額勒登保玉大吉葫蘆牌玉搬指福寧玉帶扣  
玉搬指仍各賞大小荷包成德諸神保關騰慶溥  
張廷彥綸布春著各賞玉搬指大小荷包打仗受

傷之汪啟新文銓多福孫效前千總王得勝著各  
賞大小荷包此次打仗兵丁並賞一月錢糧侍衛  
阿達千總張錦榮殺賊陣亡著咨部加等優卹現  
在芭葉山賊巢雖尙未攻克但額勒登保等身冒  
霧雨奮力進攻亦不忍加之催促諒天氣開霽自  
必急思進取斷不肯予賊以暇如能迅速竣事福  
寧仍遵前旨回四川本任接辦善後諸事額勒登

保等卽帶領勝返趕惠齡一路協剿

上又命軍機大臣傳諭宜綿惠齡恒瑞慶成秦承恩  
曰秦承恩奏稱採玉窰有楚匪滋擾該處向西翻  
過山梁卽係孝義川距省較近急應堵剿但由孝  
義川至藍田中有秦嶺阻隔秦嶺高峻險窄可以  
扼要駐守爲一夫當關之勢前據恒瑞等奏秦嶺  
口係藍田商州鎮安交界之處北通省城興肇已



帶兵馳赴該處擇險防堵而藍田出口之路前經  
秦承恩派令西安府知府吳沂帶領鄉勇六百名  
到彼幫同堵剿是藍田一帶斷不慮賊匪闖入省  
城更可無虞但相距既近亦不可不密爲防範花  
尙阿倭什布現駐西安省城伊二人俱曾經戎旅  
尙屬曉事務須留心嚴防仍當不動聲色勿使省  
城附近居民稍有驚疑倘賊匪密令奸細潛至西

安一帶勾結該處偏僻村莊或有向習邪教被其引誘者花尙阿倭什佈當留一人守城一人酌帶滿兵數百名前往查辦如無此等情事總以鎮靜安撫爲是至孝義川一帶旣經秦承恩催撥寧夏涼州並莊浪土司各兵星往截剿而前調山西各兵自己早到秦承恩與富爾賽繞赴採玉密正可迎頭截殺該撫若能生擒首逆卽屬首功設一時

未能殲淨亦當扼其竄往西北之路鄖西一帶會  
經賊匪搶掠且跬步皆山易於堵截與其使賊竄  
往西北逼近西安或竄至興漢一帶與達州賊匪  
相聯無寧兜截逼壓仍令其歸併鄖西免致未經  
被賊地方復遭蹂躪卽或賊匪仍回商雒藏匿該  
處亦有險可扼兜捕較易至石板溝之賊雖屬無  
多秦承恩亦當飭令派出之員早爲撲滅勿使又

竄入楚至摺內稱第三股賊匪竄赴桐峪一帶經  
恒瑞帶兵截剿所有竄入採玉窟者自係頭二股  
賊匪未據詳細聲敘殊欠明晰前據恒瑞奏在山  
陽縣十里舖剿賊賊往東竄而本日秦承恩又稱  
恒瑞帶兵向西截剿前此賊既東竄今又折回向  
西自必與恒瑞迎遇斷不能越過官兵繞道西竄  
何以未據恒瑞奏報追剿殊不可解其頭二股之

賊本係慶成追剿今竄往採玉窰者又係何項楚  
匪如卽係頭二股之賊慶成何以未經追剿惠齡  
此時尙未趕到亦未據有奏報伊二人豈竟在無  
賊地方先後逗留觀望耶著惠齡慶成明白加緊  
回奏

初四日

癸卯

福寧英善奏言

臣

等督兵會剿所有

本省漢土官兵以及陝甘雲南等處兵丁均已

先後到齊糧餉尤關緊要查司庫存銀陸續支  
放所存無幾現在各路兵勇應支鹽菜口糧以  
及站夫工價撫卹難民並製備軍火軍裝等項  
在在需用自應寬爲預備仰懇

皇上天恩於鄰省動撥銀二百萬兩分起趨運來川  
臣等仍嚴飭總理承辦各員撙節辦理奏入

勅下部 臣速議具奏

初六日乙巳戶部奏言查此次川省官兵會剿達

州賊匪請撥軍需銀二百萬兩自應先行預籌

現在四川本省及陝西省本年所徵地丁銀兩

雖未屆奏銷報部以四月例應完半計算川省

可徵存銀三十餘萬兩陝西可徵存銀五十餘

萬兩應請于四川本省撥出銀二十萬兩陝西

省撥解四川銀三十萬兩入於軍需應用其不

敷銀一百五十萬兩應於山西省將本年已徵地丁銀兩儘數撥解倘或尙有不敷該督撫奏明再於部庫添補續解奏備奏入得

旨依議速行

初八日丁未惠齡慶成舒亮奏言臣惠齡等于四

月二十四日馳至寬坪地方適臣慶成等亦自

蓮花池帶兵趕到當卽會同商議查山陽一帶



跬步皆山均極險峻其花園嶺土地嶺七里峽  
大新川小新川殺虎嶺等處尤爲陡狹可通洵  
陽鎮安平利等縣賊人畏懼官兵馬隊多從陡  
仄難行之路翻越分逃而洵陽等縣汛守空虛  
並無兵勇攔截若緊逼追剿賊必四散奔逃擾  
及他處且不能聚而殲洗莫若先於四路分布  
官兵使其無從遠遁一面探明賊蹤漸逼漸緊

並于山口內擇要設伏以便相機截擊隨令巴  
克坦布訥音帶兵先往黃龍舖鐵場舖一帶截  
其東北竄路阿爾薩朗帶兵前赴表帶舖一帶  
截其西北並爲鎮安聲援又飭副將多爾濟扎  
普帶領兵勇紮營上津堡遏其東竄西南均係

漢江

臣

惠齡已飛飭該府縣嚴行防堵並將船

隻停泊彼岸不令賊偷渡

臣

慶成同德光德齡

帶領官兵由新開嶺小新川一帶抄往賊匪

南面臣惠齡帶領員弁由殺虎嶺戴家鋪一帶

繞赴賊北臣舒亮同副都統銜六十七由松樹

嶺前進以爲各路策應一面分遣員弁探知賊

匪現在米糧川毛坪一帶屯踞此二處均在洵

陽鎮安交界之間地勢陡險臣等互相知會當

于二十七日未刻分路進逼鼓勵兵勇努力爭

先所過山溪褻寒徑渡懸巖攀附而登行抵賊  
屯夜已將半察探賊黨分踞民房相離均不甚  
遠正在酣睡之時臣惠齡自北而南慶成等自  
南而北一齊殺入先用鳥鎗連環擊打並用火  
箭噴筒四面圍燒賊始驚醒中鎗著火冒死狂  
奔設伏官兵聞聲齊起刀砍矛戳屍橫遍地並  
賊匪自相踐踏及被燒死者共六七百人其餘

賊匪爬山越澗紛紛亂竄臣舒亮等亦帶兵趕

來我兵四圍合攏又殺死五百人滾巖落澗者

不計其數餘匪分竄高山我兵自下仰攻賊匪

推石滾下勢難再上時直昏夜未便冒險窮追

隨將官兵暫行紮紵經候補道府恒慶試用知

縣庾泰鈞丁山溝樹林內拏獲受傷未死之賊

以十七人內有李三益李旺兒蔣大芳等三人

尙能言語隨即提訊據供係襄陽人頭目李全  
王廷詔於四月初間會合一處又添新入夥黨  
共一萬餘人新夥賊首聞得名叫秦虎熟習山  
中路徑帶領夥衆到處奔逃商量要從洵陽等  
處偷渡漢江欲往四川達州入夥因見官兵四  
路追來又聞興安一帶亦有官兵把守是以未  
敢前去等語當將各犯悉行梟示計此次殺賊

實有一千六七百人奪獲馬騾三百餘匹刀械  
八百餘件大小礮七位其餘衣服糧食分賞出  
力兵勇馬騾刀械留營備用傷亡兵勇查明分

別咨部再

臣

惠齡前接宜綿知會已令柯藩艾

如文帶兵一千五百名馳赴興安一帶堵剿查  
洵陽一縣濱臨漢水且近興安雖經嚴飭該縣  
多雇精壯鄉勇設卡嚴防但兵守空虛究不足

恃是以札知柯藩帶兵前來洵陽駐劄既可遏

賊西竄並可相機協剿又<sub>臣</sub>等刻接恒瑞知會

現聞孝義廳採玉窑一帶復有賊匪滋擾該處

路近藍田爲入西安要路雖有興肇在彼堵剿

秦承恩及總兵富爾賽等帶兵往捕尙恐兵力

不敷該將軍已帶兵馳往剿辦等語查此起賊

匪或係姚之富等勾結商州一帶教黨故向北



竄希冀分我官兵之勢以圖逃逸聞賊匪僅有  
四五千入恒瑞與肇秦承恩等所領官兵並有  
新調之甘肅官兵及撒拉爾回勇不日可到以  
之分投剿捕似已足敷辦理設或少稽時日  
等於此地辦竣即行統兵往助亦可不致遲悞

奏入

上命軍機大臣傳諭惠齡恒瑞與肇慶成秦承恩曰

惠齡等行走遲緩久無奏報乃待之冬日而本日  
奏到之摺祇係會兵剿殺賊匪情形尙未擒獲賊  
首一人且據稱賊匪又添新入夥黨共有一萬餘  
人而所殺之賊止有千餘不過十分之一且此股  
賊匪係首逆李全王廷詔帶領復有新夥賊首秦  
虎一犯勾合一處是賊匪日聚日多惠齡等尙覘  
顏爲此敷衍之奏寧不知愧奮耶剿捕之要全在

擊獲首逆則其餘殘黨自散事半功倍其附從迫脅匪黨卽殲斃多名仍屬無益今惠齡旣與慶成等會合一處在米糧川毛坪一帶剿賊仍任其分竄高山不能兜截圍擒而賊匪究竟竄往何處亦未據奏明所辦何事著傳旨嚴行申飭至柯藩由興安前赴洵陽此時自己到彼該處守禦較單柯藩等惟當督率官兵實力防範倘賊匪由此一路

奔竄致與達州匪徒勾結惟柯藩等是問至採玉  
窩滋擾賊匪不過數千人秦承恩同富爾賽已趕  
往截剿又有恒瑞與肇會合協擊諒此股賊匪必  
有姚之富等在內務當設法生擒卽時撲滅恒瑞  
前在山陽據奏將賊匪剿往東竄今乃知實係逸  
往山陽之西可見前奏不實若再不奮力辦賊必  
將伊治罪愼之至惠齡前奏倍道星馳趕赴慶成

合兵一處是慶成行走本在惠齡之前乃本日摺  
內又稱馳至寬坪地方適慶成亦自蓮花池帶兵  
趕到又似慶成轉落惠齡之後其故殊不可解各  
著明白迴奏

初九日

戊申

宜綿明亮德楞泰奏言

臣

等攻克巴

州王家寨後明亮自富成寨拏卡至馬市口德  
楞泰自茨菇梁率領鎮將巴圖魯侍衛至出家

山之西合洲坪黃馬村一帶拏卡五處田家山  
之東李家山土寺坪一帶拏卡四處均係樹立  
木柵逼近賊巢賊人無分晝夜或千餘人或數  
百人連次分撲各營卡經臣宜綿先期傳令加  
意巡防各兵勇均有準備俱隨時擊退擒斬多  
人四月二十日黎明賊匪竟欲攻撲羅江口窺  
伺達州潛出四千餘人攀崖援磴分爲三路直

抵鐵丁埡頭卡遊擊魏攀舉鼓勵兵勇鎗箭並  
施賊不得過猶敢恃其人衆相持逾時終不肯  
退穆克登阿一面用大礮轟擊使賊知有策應  
一面密派叅將姜敏功遊擊陳大定等帶兵分  
往埋伏截其後路副都統銜西津叅督率遊擊  
陳天雲候補知縣劉大經等帶領兵勇赴鐵丁  
埡助剿賊匪見官兵漸近捨命衝突魏攀舉親

率舊勇兵丁出卡衝擊西津泰等亦合力搶上山梁賊匪不能抵拒始紛紛退下我兵乘勢追逐觀成派佐領努赫稜自達州後山帶領滿兵由鳳凰嘴壓下三面截殺賊衆大潰姜敏功陳大定等埋伏之兵先後衝出沿途邀截賊匪首尾不能相顧擒斬甚多其時臣宜綿明亮亦派副將玉柱遊擊王霖等帶領兵勇邀擊於楊家



坪斬獲無數賊匪四散竄歸巢穴兵勇分路追  
殺賊匪自相踐踏及跌死者不計其數統計殺  
賊三百餘名割取首級一百二十一顆生擒二  
十四名搶獲鎗矛一百三十五件二十二日天  
氣陰雨重石子城匪潛出一千餘名分爲三股  
來撲李家山新卡臣德楞泰督同鎮臣達音泰  
巴圖魯侍衛阿納保等帶領漢土官兵分爲三

隊迎頭截殺而香爐坪賊匪復分二千餘名抄

襲合洲坪黃馬村新卡

臣

德楞泰飛派鎮臣朱

卯斗巴圖魯侍衛溫春等帶領漢土兵丁及鄉

勇迎至黃金坪搶上山梁賊分四路撲拒相持

兩時之久我兵奮勇攻擊賊匪不能抵禦始行

竄散斃賊四百餘名生擒十一名搶獲鎗矛七

十餘件所有兩次生擒賊匪余祥榮等訊無要

供當卽梟斬臣明亮德楞泰正在乘勝督催鎮

臣索費英阿巴圖魯侍衛等分路進攻重石子  
香爐坪賊寨無如雨水盛大鎗礮不能施放賊  
人等滾木擗石一齊墜下兵勇皆在泥水中站  
脚不住傳令暫退俟雨勢畧止卽當督率將弁  
分投攻剿務期擒拏首逆其出力文武員弁及  
陣亡受傷兵勇統俟查明咨部辦理

同日宜綿奏言查楚匪盡入商維復經南竄

臣

以興安爲川陝咽喉飛札柯藩艾如文帶兵一

千五百名駐劄興安探明堵剿復將陸有仁所

調甘省各營兵二千名除鎮臣富爾賽帶往商

州八百名外其餘一千二百名及

臣

所調撤拉

爾回兵二千名悉令徑赴興安交柯藩相機剿

堵又查川省太平地方在在與陝省接壤川北

道李鋹自上年九月以來駐劄該處情形熟悉  
卽令該道會同遊擊謝開先團練鄉勇四五千  
名於各要口嚴密堵禦並爲興安邊作聲援再  
前次拏獲賊匪僞軍師王學禮據署東鄉令劉  
清訊據供稱係達州人上年九月內隨同賊首  
徐添德起事子姪俱在寨內此時徐添德等自  
知罪重凜懼兵威有情願出投之意臣等查內

地民人倡教惑衆焚掠謀逆罪在不赦未便因  
其悔悟遽准投降且此等逆衆散居州縣降後  
無處安頓碍難辦理現今楚豫陝三省均有教  
匪滋事川省匪徒若不剿除盡淨既不足以昭  
懲創並恐萌孽復生所關非細惟是此股賊匪  
尙有二萬餘人雖經官兵節次殺戮而山險路  
歧不能周密圍剿尙致四竄地方又必重遭蹂

躡如果能誘令賊首出降將計就計更易集事  
隨飭該縣傳諭王學禮寄信賊巢令各頭人全  
數出投當可仰懇

天恩免其死罪該縣親赴近賊巢之紅豆嶺地方  
爲曉諭旋有賊匪帶領三四人在彼跪謁自稱  
係賊人王三槐緣伊等罪孽深重實畏王法不  
敢出來如將軍大人網開一面情願率衆投順

該縣細訪來賊係冒名王三槐並非賊首正身  
如卽將數賊擒拏翻使賊人疑畏益不敢輕出  
當經諭以大義飭令回巢遍諭賊衆令於本月  
十八日各首逆盡數出來於附近軍營之雙廟  
場地方叩謁將鎗礮軍器全行繳出乃見真心  
降順查賊匪此時接得王學禮信卽行投出揆  
之情理萬不可信然既有此言或誘出一二賊



首乘機擒拏或誘賊黨離巢痛加剿殺亦是一

法是以一面諭令各營卡嚴加防範一面密派

官兵千餘名於次日赴雙廟場左近埋伏備用

至期賊匪王三槐親帶數人來至雙廟場街外

一二里山包假稱投降仍另於沿途山溝內藏

伏賊衆千餘接應

臣

等探訪得實

臣

明亮德楞

泰當卽分帶索費英阿巴圖魯侍衛阿納保等

分投剿擊賊匪見真情已露慌蹙無地即由雙  
廟場外意圖竄回經官兵分路剿殺鎗斃賊匪  
一百餘人生擒賊匪符曰仁等十二名正在追  
擊之時香爐坪重石子賊衆前來接應該匪始  
得竄逃提訊符曰仁據供賊匪假以投降爲名  
希圖衝犯大營並思搶救監犯王學禮賊情狡  
詐深堪痛恨經<sub>臣</sub>等備兵防範剿殺多人賊匪

始知驚懼官兵現已緊逼賊巢又值霧雨連綿

臣等心中焦急一俟稍霽卽行分路進剿冀將

首逆活擒所有符日仁等犯訊明後卽於營門

正法並提出僞軍師王學禮綁赴營門寸磔處

死均奏入

上命軍機大臣傳諭宜繹惠齡秦承恩曰重石子香  
爐坪等處賊匪因官兵拏卡進逼分路攻撲經宜

綿明亮等督率將領擊退並伏兵邀擊殲斃賊匪  
所辦尙好又賊首王三槐等假冒出降希圖撲卡  
劫犯狡詐已極幸宜綿明亮等窺破賊情先行備  
兵設伏乘機剿殺不致墮其奸計實屬可嘉惟屯  
聚之賊奚致尙有二萬之多此次所殺賊匪僅數  
百名又未拏獲首逆其所稱斬獲無數及滾巖跌  
斃不計其數之語不無虛飾若果每次似此殲戮

則賊匪自當日少何尙有如許屯聚耶况宜綿等所帶官兵已有一萬七八千名又有幫同剿賊之鄉勇數千合計兵勇共有二萬餘人賊匪卽號稱二萬人其中迫脅附從者不少究係烏合之衆官兵奮勇擊賊原應以一當十今以二萬官兵剿此二萬窮竄之賊有何難事宜綿等惟當乘勢進攻上緊剿辦又據奏柯蕩安如文所帶兵力稍單復

將甘肅所調各營兵丁及撤拉爾回兵三千二百  
名俱令全赴興安交柯藩等相機堵剿所辦甚是  
興安一帶爲川省咽喉而賊首李全王廷詔正思  
由山陽向西奔竄柯藩等前抵洵陽自需兵力衆  
多以資防堵但秦承恩等現在採玉窰剿辦賊匪  
卽係姚之富一股急須搜捕前據秦承恩奏稱飛  
調寧夏涼州並莊浪土司兵丁星赴孝義川是秦

承恩一路尙須此項兵力剿賊今如宜綿所奏則  
又須撥赴柯藩一路著秦承恩卽將此項兵丁能  
否分撥之處酌量情形一面檄催一面分撥以期  
速得剿捕之用不可此調彼留致帶兵將弁無所  
適從再前據宜綿奏大寧地方亦有匪徒蠢動業  
經派委員弁團集鄉勇前往堵剿宜綿所派係屬  
何人是否已經撲滅並著一併速奏

十二日

辛亥

額勒登保福寧奏言查林之華草加

耀等糾集夥衆本無一定巢穴東奔西竄糧食  
則恃到處擄掠屯聚則佔踞民房且因山勢險

峻該匪等竄匿一處卽於緊要山梁紮卡多設

滾木擗石攔截道路以爲抵死抗拒之計日前

官兵節次圍逼凡有可通芭葉山道路均經截

堵其貼近芭葉山緊要山梁尙未攻得茲於二



十五日以後天色暫晴<sub>臣</sub>等彼此約定於二十

七日進兵其慶溥關騰所駐之金雞口雄虎山

等處山嶺陡削仰攻不易仍令嚴密堵禦防其

逃竄並各帶兵環繞作進擊之勢以分賊衆并

通知成德諸神保張廷彥等相機協剿<sub>臣</sub>額勒

登保帶同綸布春等於是日五鼓於廖家臺覓

路直上車家灣山梁該處一帶峯巒盡列忽斷

忽連賊人均於要隘築卡綸布春噶拉噶達飛  
格布舍三布彘富蘭閔懷希等帶兵由箐林中  
攀援潛上已據嶺巔賊人滾放木石不及官兵  
奮力奪入卡內殲斃賊衆焚燒木棚烟焰沖突  
賊人見嶺巔之卡已失所有接毗卡內之賊四  
出抵禦經官兵鎗箭齊發受傷滾崖墜溝者死  
傷甚多而賊勢兇悍尙在相持維時成德帶同

瑪克湯阿等由斑竹園搶上石子坳賊匪見有官兵突出始行潰散嗣諸神保帶同皂保等由青石巖搶上打子臺張廷彥帶同張順等由亮林子直上大莊各處官兵會集聲威愈壯截殺賊人男婦甚衆隨乘勢將車家灣以上之黃花坡山梁全行攻克黃花坡對面爲分水嶺過分水嶺爲大堖口見有木城數座賊人攢聚攜鎗

持矛急欲下撲接應奔竄之賊因分水嶺橫隔不能疾至我兵亦因分水嶺之路逼窄祇容一人行走不得急行攻取臣福寧帶同副將張持遊擊多福等由鄆陽關覓路直上吳家坂山梁直趨芭葉山都司孫效前帶同把總郁宗海等先搶上吳家坂兵丁俱各奮勇攻撲斃賊多人連佔賊卡六七處賊人竄至十字溝中鎗受箭死

者無算該處山徑叢雜巖壁過陡不便深入遂  
派兵於吳家坂分紮營卡堵禦查此次各路官  
兵攻克緊要山梁深入二十餘里及十數里不  
等摧陷賊卡二十餘處合計殲斃賊匪男婦四  
五百人割獻首級十九顆生擒賊目多名訊據  
獲賊供稱林之華每說官兵圍逼得緊惟大堖  
口還守得住若一破大堖口我等卽在死路草

加耀說畢竟還是逃散爲是等語查該犯等所  
供情節賊匪已形慌亂且經此番痛剿緊要處  
所均爲我兵所得賊匪卽於大垵口抵死固守  
我兵設法攻擊賊匪斷不能久支倘各處營卡  
未能結實或又逃竄轉覺追拏費手是以臣額  
勒登保卽於黃花坡山梁紮營緊接分水嶺臣  
福寧仍駐鄔陽關成德卽駐石子坳諸神保卽

駐打子臺張廷彥卽駐大莊所有一帶舊駐營  
卡均經酌量裁撤其吳家坂營卡已與石子坳  
接續斑竹園營卡亦俱撤去臣額勒登保於二

十八九等日周歷察看沿途指示將領將各營  
卡嚴密拏定凡水衝溝坎賊人可竄之處亦俱  
挖斷鄔陽關下有一大溪搭蓋橋梁以通糧運  
本派重兵駐守前此賊人卽有窺伺奪橋之事

當經擊退二十九日黎明有賊匪一二百人竟

從山坡下溪欲搶佔橋梁聞駐卡兵丁放鎗

臣

福寧卽帶兵前往接應斃賊多名淹死十餘名

餘賊遁入深林而竄

臣

福寧卽於橋之上游添

築石卡二座駐兵防護更可無虞現在各路官

兵圍逼已緊惟有趁此晴霽相機進取大荒口

以期一鼓蕩事打仗官兵間有傷亡容另查明



咨部辦理奏入

上命軍機大臣傳諭額勒登保福寧曰此次額勒登保等督兵分進攻克賊卡三十餘處殲斃賊匪四五百名並於大荒口拏營賊人可竄之處概行挖斷自應如此辦理所有帶兵出力將領弁兵等俱用硃筆圈出如果始終奮勉著卽查明咨部議敘但額勒登保已移於黃花城紮營而福寧仍回

駐鄖陽關雖該處搭蓋橋梁爲糧運通行之路防  
賊窺伺亦祇當酌派鎮將大員在彼駐劄該督仍  
當與額勒登保一同拏管前進庶可四面兜圍現  
據獲犯供稱一破大荒口賊匪都在死路可見賊  
勢窮蹙或恐又思他竄額勒登保等務宜嚴密防  
範勿使又乘間逃往鶴峯建始等處爲要

十四日

癸丑

花尙阿倭什布奏言

臣

等接奉

論旨令加意防守西安省城查前此楚匪由豫分股

竄入陝境

臣

等當卽擬以一人守城一人帶兵

前往協剿復因省城重地商民聚處不可無文武大員彈壓且籌備策應均關緊要是以未敢輕動嗣查各處賊匪屢被兵勇剿殺倏合倏分在商州山陽鎮安藍田各州縣山溝藏匿其探玉窰嘯聚之賊經秦承恩與富爾賽帶領官兵

由秦嶺大路徑往孝義川等處兜剿賊匪旋自  
鎮安之白巖子竄至洵陽之兩河關屯聚現在  
各賊距省有四五百里不等其秦嶺通省各要  
口前經秦承恩及<sub>臣</sub>等分撥勇幹員弁督率兵  
勇設立卡隘晝夜巡防已極嚴密附近南山各  
廳州縣亦諭令團練鄉勇爲有備無患之計斷  
不令有賊匪闖入秦嶺<sub>臣</sub>花尙阿將存城滿兵

二千六百餘名督率滿員逐日操演並諭以行  
軍大義俾各成勁旅附近各屬聞知省城現有  
精兵駐劄既可稍安小民疑畏之心兼可喪逆  
匪北竄之膽此時省城地方商民樂業卽附近  
偏僻村莊逐細訪查尙無向習邪教被匪引誘  
勾結之人至老教回民從不信邪教秦承恩前  
自興安來商州時卽經札知臣倭什布於省城

曉諭回民首馬化鵬等雇募壯健回民聽候調  
撥當經揀選回民二百名多給賞銀送往軍營  
幫同剿賊該回民奮勇當先頗爲得力茲當再  
行招募以備剿守之用至宜綿調派來陝之老  
教回民二千名聞由甘肅鞏昌一帶入陝自漢  
中興安等屬行走倘賊匪自洵陽南竄卽可就  
近取道截殺併斷其與川匪連絡之路於堵剿

均有裨益奏入

上命軍機大臣傳諭恒瑞興肇秦承恩柯藩富爾賽  
艾如文曰花尙阿等奏到省城防守情形所辦尙  
好據稱秦承恩與富爾賽帶兵由秦嶺往孝義川  
兜剿採玉窩賊匪而賊匪自鎮安竄至洵陽之兩  
河關屯聚是採玉窩賊匪經秦承恩等兜剿業已  
南竄洵陽地方秦承恩自應督兵淮剿是以十餘

日未暇具摺洵陽在漢江之北江面廣闊船隻先  
經移泊對岸無虞賊人偷渡秦嶺一帶又防堵嚴  
密賊匪被官兵剿急勢必又思東回商州鄖西一  
帶該處俱有官兵若賊匪仍向此一路奔逸則是  
自投陷穽正可四面圍截斷不可令其竄至興安  
致與達州賊匪勾結至恒瑞已早赴秦承恩一路  
會合興肇在秦嶺口堵剿會否打仗殺賊摺內未



經敘及伊二人現在究往何處何以日久未有奏報又柯藩等前於二十七日自興安前赴洵陽迄今半月有餘並無摺報何以遲緩若此柯藩著傳旨申飭並著將於何日前抵洵陽如何與艾如文迎剿賊匪之處迅速具奏至宜綿所調老教回民等此時自己抵該處今據倭什布奏稱出鞏昌一帶入陝自漢中興安等屬行走更可迎賊截剿此

項回民前據宜綿奏派總兵吉蘭泰副將富成帶  
領前往秦承恩係該省巡撫柯藩係提督卽交伊  
二人分行統領呼應較靈更爲得力其花尙阿等  
續募回民此時想可不用亦不必強令應募也